



2b. 15



40
44

RECTOR
ACADEMIÆ FRANCOFUR-
TANÆ
FRANCISCUS

OMICHIUS,
Medicæ Doctor, & Professor Publicus

Facultatis, itidemq; SENIOR
Solemnem panegyrim,
qua

Clariss. & Excellentissimus Vir

DN. GOTHOFREDVS
VVEIDNERUS

Medicinæ Doctor ac Professor Publicus
officio DECANATUS flagitante

Viros ingenio, doctrina virtute & experientia
Præstantissimos,

DN. FRIDERICUM CRUSIUM
Goldbergensem

DN. FRANCISCUM WIRTH
VVratislaviensem } Silesios

DN. FRANCISCUM HEGENVVALD
Cygnea Misnicum

Doctore ali in utraq; Medicina laurea ornaturus est

III. Non. Octobr.

Anno Æræ Christianæ

M. DC. XXIII.

Omnibus & singulis reipublicæ literariæ
Civibus indicit.

LITERIS HARTMANNIANIS:

29

ALBERTUS

ALBERTUS

ALBERTUS

ALBERTUS





I quanto atrocius malum atq;
detestabilius, tanto majori in pretio Cauto-
res illius sunt ac Avertenci; nescimus sanè an
superiores dari debeant, Sanitatis Curatoribus,
vite Custodibus, humana natura Advocatis,
(sic Medicos suo merito honoramus,) siqui-
dem exitiis, quibus ab illis aut obsistitur aut resistitur, nihil nec
feminio fœcundius, nec multitudine copiosius, nec varietate de-
signari maculosius, si vel studio quærat, vel ingenio fingatur,
potest. Id qui diffitetur, ubi ubi sit regionum ignorat. Proin-
de magnum illud mundi in quo laborat valetudinarium, re-
motis paululum sipariis ipsi ostendendum est, intra quod si con-
spexerit lethæum in pluribus pallorem, nervorum in aliis subsultan-
tium tremorem, pedum rursus prorsum ruentium in nonnullis titu-
bationem, humorem iterum in cutem admissum in aliis, & ventrem
exercitui præferendum, mox suffusionem lurida bilis, iam tabem in
se se putrescentium viscerum, modo retortos digitos articulis obrige-
scentibus, nunc nervorum sine sensu jacentium torporem, vicissim
palpitationem corporum sine intermissione vibrantium, capitis ver-
tiginem, oculorum auriumq; tormenta, cerebri astuantis vermina-
tiones, aliaque portenta morborum partibus nostris eheu! plu-
ra, nisi ab omni rationis iudicio desertus est & peponem pro cor-
de nactus, exclamabit convictus: O mihi verum hæc qui mon-
stra domuerit Herculem ἀλεξίκακον! O mihi illum ab his qui im-
munes præstiterit miseris Apollinem ἀποροπαῖον! Quin imò ea
nobis est opinatio, nec ut arbitramur temeraria, non aliam ob
causam medicandi artem, cum DIs, utpote Mercurio, Apollini
acceptò latam, tum Æsculapium, medicinarū, ut Tertullianus vo-
cat, Demonstratorem, Pœona pœoniæ herbæ, Chirona centaurii
designatorem & alios ejusdem artis conditores in cælum trans-
latos & inter sidera positos, quàm quod mortales oculis quibus
factum à Factore discriminetur, orbati, non mortalium esse, tan-
tam frenare & tam miserandam morborum Lernam, sed DEI
immortalis; non id qui facerent aut docerent homines, sed
Deos

Deos existimaverint, quorum illud ut religiosè, ita istud perpe-
ram asseruerunt, aut sensum non malum malè exposuerunt. Hoc
in dubietatis aleam non cadit, medendi scientiam apud omnes, de
bonis & magnis non malè & abjectè putantes, divinam semper
habitam, cuius se cultui non Reges modò, qualis inter *Ebraos Sa-
lomo, Medos Giges, Arabes Sabid, Ponticos Mithridates, Egyptios
Hermes* addixerunt: verum cuius nec ipsos cœli Proceres, quod
de *Raphaele* constat, puduit: & quod longè majus est, cuius se no-
mine *Divina* nostræ infirmitati *Benignitas* adeò commendat, ut
ubi blandiri nobis & in vota venire amat, Medici persona & no-
mine ad nos visat, quasi nullum extantò vocabulorum populo,
cum Patris animum, eam Patris manum, hanc Patris curam & o-
pem Cœlestis, exscribat norantiùs, quod quam magnificum sit,
tum falsi erimus ingenuè omnes, ubi ut ante dictum, cruciatu-
um non enarranda colluvies memoriæ refricuerit cuticulam.

Proinde quoties entheam Medicorum familiam incre-
menta sumere videmus, de nova divinæ in nos clementiæ signifi-
catione, deque novis adversus incursores nostros hyperaspistis ac
defensoribus gaudendum est, neque minori cum tripudio illi,
atque ancile cœlo delapsum à Romanis olim, excipiendi nobis
atque fovendi, cum quando hi nobiscum fuerint, (divinis sem-
per antè exoratis auspiciis) corporis nostri respublica non salva
& tuta stare non possit, & si non à morbis omnimodis libera, à
vastis tamen morborum doloribus citius liberanda, absque sa-
luti certè spe non facile laboratura.

Tergemini hodie prodeunt, id quod fausto pede faxint,
tales Medicorum Filii, duos fertilissima bonorum ingeniorum
genitrix *Silesia*, tertium *Misnia* cultissima nobis tulit, quos dum
vobis ex more hæcenus recepto descriptum imus, veremur ne
quod elogii uni tribuimus vel alteri, alteri derogare videamur,
ita indole, virtute, eruditione, humanitate quæ singulorum ipsa
oculis elucet, sibi similes ac propè pares sunt. Et *Fridericum*
quidem *Crusium* quem primum in albo Academico scriptum vi-
demus, aurea *Goldberga* ex *Jacobo Crusio* Cive optimo ac hone-
stissimo, matre simul *Esbera*, quam antiqua & à liberalibus insti-
tutis

tutis celebrata *Vechnerianorum* profapia connumerat, suscepit, qui Parentes, teneros nati annos Viris clarissimis *Dn. Johanni Feigio*, Curia & Scholæ in Patria Consuli, *M. Melchiori Laubano*, *M. Danieli Vechnero*, hujus nostri Candidati avunculo, post *Wratislaviensis* gymnasii Doctoribus, fingendos dederunt, ubi cum *Dn. M. Martinum VVeinrichium* Virum in omni arte insignem audiret, jam tum sibi fibras micare intimas Iatricæ desiderio, prout nos natura molles statim aliquò trahit, persensit, profectus itaque hinc in latiores campos, naturalis scientiæ cognitione, penitiùs animum *VViteberga* intinxit, quo medicinæ succo, qui sine ea non beret, imbui in celeberrimi potissimum *Sennerti* officina instructissima posset. Post ubi ex domestica Nobilium adolescentum informatione crumena esset facta pragnantior, non is parta in aleam, non in ingluviem, non in luxum vestimentorum, non in fascias crurules pedulesque, quod lustri currentis delitium an delirium est, sed in magistros vivos mutosque impendit, & in Lycéo hoc nostro, annum non unum, Antecessores auscultando Medicos tranlegit, idque ita ut præceptoribus suis non placeret modò cum paucis, sed ex pluribus dignus haberetur, quem ædibus, quem lateri, quem pyxidibus, quem vitreis miraculorum naturalium receptaculis, quibus abundat *Dn. D. Gotbofredus VVeidnerus* Collega noster conjunctior, Vir cui utraque medicina debet, adjungeret, à quo maturior ad factitandam jam artem cum bona pace discedens *Dn. Johanni Rbeseldio* amplissimæ in Germania urbis *Erphordix* Medico ordinario sese addixit, cujus ductu cum ad ægrotantium quotidie migraret lectulos, venam tangeret, effusa scrutaretur, factum est ut quam ille iret rediretve viam, hic in medicando notaret, arctiusque comprehenderet, qua & in patria dulcissima ab anno superiori feliciter usus est.

Secundus ab eo est, sed nostra commemoratione duntaxat, *Franciscus Wirth Wratislaviensis*, cui ut Pater de suo vocamen imposuit, sic in vitæ genus diversum à suo transcribi voluit, & ipse arte bibliopegus, hunc bibliophagum, seu ut *Cicero*, strenuum literarum heluonem & apud Musas diversorem assiduum.

destinavit, matre *Salome Freudenhamerina* ob id facilius annuente, quod Doctoris *Andreae Osiandri* Theologi quondam in Borussia aulici, fama & doctrina omnibus noti, neptis ex filia esset. Datus in disciplinam est à pueritia Viro & aliàs, & facilitate & felicitate erudiendi, nobili *Dn. M. Iohanni ab Hæckelsboven*, cui plus tribuit ob generositatem mentis, quam cognationem sanguinis, etsi hac quoque lætatur. Hinc ex circo umbratili in spatium Academicum linguarum sublimiorumque artium splendore coruscum anno supra milles. sexcentess. decimo pergit, & non tam in censum nostrorum quàm in Collegia & academia admittitur, majori tamen tum voto quam successu. Etenim imbecillitas carnis, quæ utut mentis vigorem, *verbo Salviani, nunquam exacuat*, non rarò tamen & aggravat, prout institutum quoque nostri tum discipuli cursum interruptit, eumque à nobis ad patrios retrò Lares ablegavit & aliquandiu afflixit. Sed non potuit afflictio propositum intervertere, verum ut *Stratonem* splenis affectus palæstritam & pancratiasten, *Democratem* pedum ægrimonia in stadio victorem, sic eum morbus reddidit medicum, ut ex intervallo vires resumens acriori ad literas animo rediret & liberaliora Hygeæ libaret soteria. Ea de causa anno supra milles. sexcentess. duodecimo in *Regiomontanam* Borussia descendit Academiam, & *Dn. Iohannis Papij* atque *Georgij Lotki* Doctorum ac Professorum clarissimorum medicæ se institutioni informandum præbuit: consummandum autem *Dn. D. Christophoro Schæbelio* Jauraviensi Medico excellentissimo se dedit, ubi naturam intra suum cubile convenit, & Chymix abditæ rimatus est. Et consultò sanè sapientum consilio: eam enim artem, qui aut præiudicio antiquitatis aut novitatis, nigredinisque lancinant mordaciter opprobrio, *Ægyptiorum legem* Medicis inurere velle videtur, qua, *si modò præscriptam & à priscis traditam medendi normam adhibuisset medicus, sine crimine moriebatur agrotus: & alia via atq; artificio etiam restitutus necem vitæ suæ intentabat Medico certissimam*, cuius insanix *Diodorus* testis est. Integro sic inter speculationes & exercitia practica quinquennio consumato, Machaonis exemplum secutus & Hippocratis, quorum iste seipsum bello Troiano, hic filium Thessalum sumtu proprio castris Atheniensium ad-

junxit, aulam & lituum *Reverendiss. ac Illustriss. Principis ac Dn. Dn. Ioan-Georgii Senioris, Marchionis Brandenburgici, &c.* Herois meliori fato reservati, comitatus est, ubi quanto major hominum copia, tanto plus experimentorum cepit, quāto medicinæ usus in bello salubrior, tanto majorem reipublicæ operam navavit, cujus diligentia testimo-
nia collegæ tum ejus & comites Viri peritissimi Dn. Dd. *Ioannes Wielius Medicus Leobsbutiensis, & David Saurmannus Medicus Taborensis,* non rogati perhibent; donec tandem spoliis non auri, sed experien-
tiæ plenus, longēque fortunatior, atque *Machaon* ille, qui in equo du-
rateo confossus est, ex *Ungaria* ad nos reverteretur.

Tertio huic succenturiatur loco *Franciscus Hegenwald* Cygneus, quē
inclutæ, *Jenensis, Altorfina, Heidelbergensis, Lipsiensis, Witebergensis,* A-
cademiæ, ex cultum literis, præeunte anno ad nos transmiserunt. Pa-
rentem is habuit *Franciscum* p. m. commercia sic exercentem & pe-
cunias colligentem, non ut Pluto serviret, sed dominaretur, non ma-
nus fordidè nutrire, sed honestè erogaret, non in æruscatorum aut to-
cullionum mensas, sed Musas milleno lucro respondentes, per quas et-
jam filium ditescere præoptavit. Reperit statim domi præceptores
unde disceret sedulos, & utrāque manū pedemq; ab impedimento li-
berū cū haberet, doctores sibi in celebrioribus scholis egregios quæ-
rere, sub quibus ad fastigia eruditionis cōtēdere facillè potuit. Ex qui-
bus *M. Jacobus Lentnerus* Epitydes domesticus, & *M. Theophilus Æne-
rius,* sub quibus physices sibi elementa, quā publicè, quā privatim, fa-
miliaria reddidit: mox theatra, concilia, gymnasmata Medicorum au-
dentioribus ingressus est passibus, & Viros nullibi gentium literatarū
obscuros *Dn. Zachariam Brendeliam, Dn. Antonium Varum, Dn. Euse-
bium Schenckium Dd. in Ienensi per biennium: D. Casparum Hoffmannum
in Norica ferme per annum, Professores Italicos in Herbipolensi, D. Schillin-
gium in Lipsiensi,* ut taceam & nostros quibuscum ultra annum vixit, &
reliquos, audivit fructuosè, crebò consuluit, imitatur & imitaturus est
studiosissimè. Tres hi Medicinæ Candidati, ut ne lateat, quod
intimandum est, cum non nescirent *in hac artium sola evenire, ut uni-
cuiq; Medicum se professo statim credatur, cum sit periculum in nullo, atte-
stante Plinio,* imò sepulcreto, majus suum esse arbitrati sunt, nō suæ aut
famæ aut fortunæ credere: sed doctrinæ & peritiæ supellectilem hujus
nostræ facultatis Antistitibus cōcrediderunt, qui cū eam ad Lydium.

examinis lapidem revocassent, eosq; in aprium ad defensandā derisæ
ac deploratæ arthriticis vim & medelam produxissent, victores redu-
xissent, impofterum citra periculū invocari à malè habentibus posse,
imò lauream meritis Apollineam, collectis calculis censuerunt, qua
trafino meridie, *Sereniss. Electore Brandenburg. Domino nostro ac Ever-
geta Clementissimo* sic ratum habente, *Clariss. & Excellentiss. Vir Dn.
Gothofredus Weidnerus, Medicina utriusq; cum luce Doctor, cum laude
Professor, Decanus nunc & Atblotbeta spectatissimus*, illos ipsos, *quod deq;*, co-
ronaturus est. In templo id fiet non Æsculapii, quo ægri medicinæ di-
scendæ causa olim somnū captabāt, sed Jesu Servatoris & sospitatoris
nostri unici, quorsum *Vos omnium ordinū Academia nostræ cives, ma-
jores, minores, medioximos* vigilatum & spectatū invitamus & vocamq.
Adeste ad horam cras XII. adeste corpore & mente, renuntiationem
honorum solemnem piis suspiriis provehite, cœlestem Jehovahæ, qui &
morbos & medicos mittit, providentiā deprædicate, stimulis diligen-
tiæ suppungimini, juxta inq; Medico nomini gratiā referte, *quæ tanta
illi debetur, quanta nauta, qui naufragū sustulit, cum ut hic, ita Medicus,
arbitro Seneca, vitam dare soleat.* Ante omnia v. intuemini nobiscū *re-
gni Germanici ulcera, ecclesie vulnera orthodoxæ, cernite ut gangrana
profanitatis, ut bilis iracundiæ & cōrentionis, ut ambitionis vertigo,
ut lethargus securitatis, ut phrenesis immanitatis, ut bulimia metalli-
ca, ut hydrois persuasionis, ut chiragra tenacitatis, ut libidinum pru-
ritus, ut stupor & sphaecelismus impœnitentiæ, ut pestilentia persecu-
tionis, ut marasmus apostasiæ passim grassetur, & quod nunquam opi-
nionem aut metu præconceptum, ut venenū non Circaum, sed Babylo-
nicum in omnes Teutonici corporis venas diffusum, ut erysipelas Ibe-
ricum inflammavit omnia: cernite ut lethaliter omnia decumbant, ut
cadant, ut extinguantur: & cum *nemo sub sole sit, qui curet aut sanet, O-
piferum, cujus sola manus abbreviata non est* intaminato precum nido-
re amicate, hic ut veniat, videat, sanet: Mederis sanè Domine, ubi a-
spernari, ligas, ubi secare, vitæ donas, ubi occidere videris, *Tu in mun-
do hoc versatili & mutabili ita dispensas secula, ea ut facias, quæ Univer-
sitaris hujus decorum postulat, quod ipse solus absolvis, ita ut verissimè aper-
tissimeq; intelligis!* Hoc hoc Domino hodie tribuite cum Origene, atq;
devotionem prolixiorē ad oratorium, declaratum venire, feliciter
que Valet.*

T. M.

Ja 666

ULB Halle 3
002 177 021



5b-700

V017

MC







Farbkarte #13

B.I.G.



40
44

TOR
 FRANCOFUR-
 Æ
ISCUS
 IUS,
 rofessor Publicus
 q; SENIOR
 gryn.,
antissimus Vir
D FREDVS
 ERUS
 rofessor Publicus
 US flagitante
ate & experientia
 os,
 USIUM } Silesios
 RTH }
 EGENVALD
 um
alaurea ornaturus est
 obr.
 ristianæ
 CIII.
 publicæ literariæ
 icit.
 MANNIANIS:

